

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 09:00 SATI

Direktor Kantonalne uprave civilne zaštite je u jutarnjim satima sa komandantom CZ Kantona Sarajevo izašao na područje općina Ilidža i Novi Grad koja su ugrožena od poplava kako bi koordinirali aktivnosti na poduzimanju mjera zaštite i spašavanja ljudi i materijalnih dobara. Tako su u toku dana organizovali i obezbijedili tri tone briketa, 100 paketa hrane preko Crvenog križa Kantona, 20 boca plina od Energopetrola i 30 pari ribarskih čizama koji su u saradnji sa Općinskim štabom CZ Ilidža podijeljeni ugroženom stanovništvu na području MZ Osijek i Doglodi. Također, pom. direktora za mjere zaštite i spašavanja Kantonalne uprave civilne zaštite je obišao područja općina Hadžići i Vogošća koja su najugroženija od poplava.

U toku dana održana je vanredna sjednica Štaba CZ Kantona na kojoj je analizirano stanje na području Kantona. Štab je donio slijedeće zaključke:

1. U akcijama zaštite i spašavanja ljudi i materijalnih dobara od poplava i na otklanjanju posljedica od istih, na ugroženim područjima angažovati će se svi raspoloživi kapaciteti Štaba i Kantonalne uprave civilne zaštite, kao i svi kapaciteti od PVJ Kantona i DVD, te sve kantonalne službe zaštite i spašavanja koje su formirane u kantonalnim javnim preduzećima, kao i drugim pravim organizacijama i udruženjima građana.
2. Štab će kontinuirano pratiti stanje na području Kantona i u saradnji i koordinaciji sa općinskim štabovima civilne zaštite poduzimati neophodne mjere na pružanju pomoći ugroženom stanovništvu na području Kantona.
3. Štab je saglasan da se izdvoje određena finansijska sredstva na pružanju pomoći stanovništvu na ugroženim područjima.
4. Štab će odmah u saradnji sa Zavodom za javno zdravstvo Kantona planski pripremiti aktivnosti na sprovođenju neophodnih mjera na dezinfekciji, dezinsekciji, deratizaciji i sanitaciji područja koja su trenutno poplavljena, kada se voda sa tih područja povuče.
5. O stanju na područjima koja su najugroženija od poplava, kao i o preduzimanju mjera na zaštiti stanovništva i materijalnih dobara javnost će blagovremeno obavještavati Štab putem Kantonalnog operativnog centra civilne zaštite.

Pripadnici PVB Sarajevo su u toku dana bili angažovani na pružanju pomoći ugroženom stanovništvu, tako su u jutarnjim satima evakusali 10 ljudi iz TC Robota i 4 ljudi iz MZ Osijek (Brattunačka i Osječki put) i izvršili dostavu vode, hrane, lijekova i briketa u naselju Hendekuša i Doglodi.

Prema podacima dobivenim od Federalnog meteorološkog zavoda – Sektora hidrologije visina vodostaja na rijeci Bosna, mjesto Reljevo danas u 08:15 sati je iznosi 389 cm i ima tendenciju opadanja, dok je na rijeci Miljacka, mjerno mjesto Ćumurija iznosio 164 cm i ima tendenciju opadanja.

Prema dobivenim informacijama od općinskih centara civilne zaštite, kao i od drugih subjekata iz osmatračke mreže stanje na području Kantona Sarajevo uzrokovano kišnim padavinama je bilo slijedeće:

Općina Stari Grad

Stanje na području općine se polako normalizuje. Pripadnici OpSI CZ su stalno na terenu i pružaju pomoć ugroženom stanovništvu.

Općina Centar

Ekipe OpSI CZ centar su na terenu i prate situaciju i poduzimaju neophodne mjere zaštite i spašavanja.

Općina Novo Sarajevo

Ekipe OpSI CZ kontinuirano pratiti stanje na području općine i trenutno nema nikakvih problema.

Općina Novi Grad

U toku jučerašnjeg dana bila su najugorženija i dalje naselja Dobroševići, Bojnik i Rajlovac gdje je poplavljeno 10-tak kuća i svi privredni objekti. U toku dana izvršena je evakuacija 10 ljudi iz TC Robot.

Prema posljednjim informacijama, voda se polako povlači. Ekipe OpSI CZ Novi Grad su na terenu i prate situaciju i poduzimaju neophodne mjere zaštite.

Općina Ilidža

Usljed obimnih kišnih padavina došlo je do izlivanja vodotoka na području općine Ilidža.

Područja zahvaćena poplavom su: MZ Osjek-Karamušići, Rate Dugonjića, Bratunačka cesta, i Hendekuša, MZ Otes – Senada Fazlića, Mliništa, Čitlučka i Trg Oteškog bataljona, MZ Stup –Doglodi.

U MZ Osjek u ulicama Hendeluša i Bratunačka cesta poplavljeno je oko 200 kuća, a u naselju Doglodi oko 100 kuća.

Putna komunikacija Bojnik – Doglodi je prekinuta, dok je ostali saobraćaj na području općine Ilidža odvija bez zastoja. Bez napajanja el.energijom je jedan dio Osjeka.

Vodostaj na rijekama na području općine Ilidža je u blagom opadanju.

Služba CZ Ilidža, Općinski načelnik, službe zaštite i spašavanja su stalno na terenu i poduzimaju mjere iz svoje nadležnosti.

U toku dana putem povjerenika CZ podjeljeni su briketi u ulice Hendekuša, Bratunačka i Doglodi, a paketi sa hranom i voda dostavljeni u ulice Hendekuša, Bratunačka i Doglodi. U toku dana dobijena je pomoć od strane KUCZ, FUCZ, Crvenog križa Ilidža, Općine Centar i Novo Sarajevo, firme Senigor koja je donirala jedan čamac.

Općina Hadžići

Stanje na području općine se polako normalizuje. Ekipe OpSI CZ su stalno na terenu i poduzimaju neophodne mjere zaštite.

Općina Vogošća:

Obilne kišne padavine su 15.maja ove godine oko 19, 38 sati dovele do pokretanje klizišta u ulici Podgaj vogošćanskog naselja Svrake.Sedam stambenih objekata u potpunosti je porušeno.Objekti Šefkije Durića, Huseina Hadživdije, Senada Logavije, Fikre Sužanj te Alije, Bajre i Nijaza Halilovića potpuno su srušeni sa zemljom.Stambeni objekat Sulje Durića pokrenut je iz svog ležišta i prijeti mu rušenje.Također, klizanjem tla ugrožen je još jedan stambeni i dva vikend objekta te više pomoćnih objekata za smještaj stoke.Dobra strana ove nesreće jeste ta da niko od građana nije poginuo niti je značajnije povrijeđen.Putni pravac Podgaj u potpunosti je prekinut a došlo je do oštećenj elektro i PTT instalacija.Zbog mogućnosti oštećenja plinskih instalacija ekipe „Sarajevo gasa“ isključile su gas u ovom dijelu naselja.

Sa ugroženog područja ekipe Civilne zaštite Općine Vogošća, Policije, vatrogasaca, Gorske službe za spašavanje i medicinske ekipe izvršile su evakuaciju nepokretnih i drugih građana Oko sedamdeset ljudi iz zone klizišta te putnih pravaca Ravne i Miholjici smješteno je u prostorije društvenog doma Mjesne zajednice Svrake gdje im je obezbjeđena ishrana i topli napitci, pet porodica smješteno je u alternativni smještaj dok se većina drugih građana, blizu zone klizišta, smjestila kod svoje rodbine na području Vogošće.

Pripadnici policije i Civilne zaštite Općine Vogošća su tokom noći vršili monitoring zone klizišta te prostore Zukića brda u Semizovcu i putnih pravaca Ravne, Dreskovača i Miholjice gdje je, također, došlo do pomjeranja tla.

Jutros održana sjednica Općinskog štaba Civilne zaštite Općine Vogošća na kojoj su utvrđene operativne aktivnosti daljnjeg djelovanja na saniranju posljedica te procjena vezanim za daljnja dešavanja.

Općina Ilijaš

Stanje na području općine se polako normalizuje ali je došlo do pojave 6 novih manjih klizišta koja ne predstavljaju opasnost za objekte. Ekipe OpSI CZ su stalno na trenu i pružaju pomoć ugroženom stanovništvu.

Općina Trnovo

Trenutno vodostaju svih rijeka u opadanju tako da nema opasnosti od njihovog izlivanja.